

福建河渠書卷一

治地理學莫難於治古水道蓋今水道可以目驗得之古水道今昔改流前後異名於是有昔有而今無昔無而今有者有數地而一名一地而數名者方志治古水道者也治古水道而不離今水道者也夫於今水道之書求古水道不過十得五六以古水道之書合今水道寧免十失一二乎本志竊不自量用水經注體例引據舊籍分段以叙經流及支流之注經流者其支流之所自出條列於各段之後焉其非經流而不入於經流者則另列焉

福州府

城內外河渠 三山志云城東南地勢卑平潮上大江自南臺東北入河口津經通仙門美化門之東至臨河務入南鎖港水北過德政橋至去思橋爲羅城大壕過橋北出鎖港散入東湖其西分爲三一自通仙門之南入通仙橋西行經洗馬橋而西會于夾城濠之西南隅一自美化門之西福建河渠書 福州府

福建通志
總卷六

入教場南過寧越門九仙橋西踰宿猿洞趾過西門迎仙橋乃北通西湖至遺愛門池橋一自德政橋之西南至河西橋以西置閘吸大河水貫城而西經通津門橋次安泰橋次清遠門橋次板橋次金斗門橋直抵浦尾折而東經金鋪橋與甘棠閘潮相遇其東別爲二一自通仙門之東北行至臨河務水門分支壕繞外城而北過行春門外樂遊橋又繞外城而湯井門接去思橋河尾其北又分爲二一自去思橋北西入甘棠閘又西行過延慶橋慶城寺前次師橋次經院前橋次長利橋通閘橋次虎節門大橋次清泰門雅俗橋至子城西南隅髮苗橋與清水堰潮相遇北行至豐樂門義和橋今俗呼次宜秋橋至鹿頂門墻而止一自去思橋北行稍不附城至嚴勝門並石泉而北乃東折至安國之左若其子城之東南自長利橋北走經定安門仁愛橋並開元而北踰康泰門樂遊橋趨將軍山之南西南自清泰門東歇樂橋水門入子城經開通橋次便民橋大寺東次宜興門橋沿都倉至威武堂西澄瀾閣通西園池又自西北繞郡城之後東入臨

治池案以上爲宋代河渠至今尙無大更改惟稱名偶異光緒福建全省

輿圖云城內之水自南臺江引入東北流經白馬橋浦西橋穿洗馬橋而

東經南較場有新港河南自鴨母洲北流來會又北流經通仙橋入城分

一支繞城而東歷東門外樂遊橋過湯門外四明橋至湯水關入城又云

西湖水自西水關入城會爲西河其北流穿北水關出城循城西而南合

白馬橋之水入於臺江閩縣志云城中之水自西水關東流曰西牕

河經太平橋觀音橋分爲南北北者出玉沙橋折而東經潮通橋益山橋

曰文藻山河有元帥廟河來會再東經雙拋橋楊橋曰虎節河有旁支無

源之達明河亦自北來會由虎節河東流至到任橋再經石橋安瀾橋曰

賢壇河稍北折東流經衛橋至干獅橋曰三牧坊河復東出灰橋與三塊

石下曰將軍後河乃東會湯門水關之湯牕河折而流經澳橋及德政橋

與南派合南派自觀音橋東流南出驛前橋曰驛前河又南經金斗橋二

橋亭倉前橋曰倉前河折而過江都橋向東過老佛亭橋曰玉山澗河至

福建河渠書 福州府

二

福建通志 總卷六

清遠橋曰桂枝河再東流抵安泰橋過釣鱸橋畔有梁又經觀音橋廣河

橋曰朱紫坊河又東過兼濟橋曰通津河又東經武安橋曰鐵打巷河又

東出古仙橋曰珠媽廟河又東會德政橋之水直出水部水關曰水牕河

其餘不通舟筏之渠由元帥廟河經虎婆巷河出定遠橋曰後曹河又經

卧湖橋以出北水牕又云新港雖直然打鐵港一曲乃入新港再曲爲小

萬壽橋三曲四曲爲高橋象橋

案三山志去思橋下自注云卽澳橋也南從江岸開河口通潮北流至

澳橋浦遂通東湖直如溝瀆號直瀆浦是直瀆宋時已開而後世相傳

明弘治十一年督船鄧太監始鑿直瀆新港何哉或本有是港鑿寬大

之以便夷船故尸其名歟

閩縣

南臺江閩江北派入閩縣江流分南北兩派北派在府城南嘉崇里上

接侯官界之洪山江東南流福建全省輿圖云五經南臺山下故名太平

寰宇記云在州南五里江濶九里

案實在州南九里

八閩通志云閩江至洪塘歧

爲二北行者經釣龍臺爲南臺江閩都記作白龍江云相傳越王餘善釣

白龍處三山志云納北山眾流桑溪自鷺鼻經大坑嶺

全省輿圖云南臺江東南五里抵鴨

鴉洲有大坑嶺之水分東西

出東峰後至茶焙涌通潮鱗溪至浦東橋通

潮

桑溪 八閩志云在孝義里之獵嶺旁有桑園故名越王無諸嘗於此

流觴宴會閩都記云曲水在桑溪上流登雲路之下宋郡守有禊遊亭

善溪 寰宇記 源在鼓峯八閩志云舊名鱗溪在桑溪里山峽有二

潭下潭廣六丈深不可計距上潭五里相傳越王郢時溪有大鱗長三

丈郢第三子號白馬三郎有勇力射中之鱗怒纏以尾三郎人馬俱溺

邑人立祠祀之淳祐八年郡守陳塏更今名

東行經泛船浦又東南名濂江

卽林浦江

又東經鼓山下爲鼈頭江又東南爲

馬頭江

亦名馬尾

大定江演江匯焉

福建河渠書

閩縣

三

福建通志
總卷六

馬頭江 八閩志云南臺西峽二江皆匯於此深廣莫測波濤洶湧中

有石如馬頭潮退則見閩都記云在江右里福州府志云縣之極南東

西北眾水悉入焉其浦微東南有投桃洲以形似名東下爲羅星塔案

馬尾亦名中岐船政局在焉

大定江 八閩志云在府城東南承北里與南臺江同派至此受上下

溪諸水通馬頭江

演江 八閩志云在府城東北源出山谷閩書云一名蜺源

馬頭江之支港又有上洞江下洞江

上洞江 八閩志云在至德里乃馬頭江左次港也閩都記云舟人候

潮咸集於斯

下洞江 八閩志云在江右里乃馬頭江左一港

案閩書作右港道光志作右次港甚合

中有獅子石與方山對峙巨浸不沒俗謂水浸方山鼻不到獅子耳

其斜對岸有東峽山

亦曰峽兜亦作狹兜江面最狹出峽則爲馬頭江兩岸陡寬矣

故馬頭江亦曰東峽

江與南派會

東峽江 八閩志云南臺西峽二江合流於此跨歸仁高詳二里兩山夾峽上納汀建延邵之水下吞興化泉漳潮汐其濶可以尺量其深不可以數計中流有石如砥柱名曰浮礁閩都記云江南北各有亭待渡官募大小舟十數往來如織福州府志云俗謂之烏龍江

南派爲淘江瀨江西峽江西接侯官仙崎陽崎江經金鎖江義與白湖自

湖港自螺洲閩都記云北來注螺洲在方山北而榕溪義溪苦竹溪自南而北經尙幹注之

淘亦作江 閩都記云在永慶里臨以塔峰長林之勝江邊有亭俗呼

淘邊

瀨江 閩都記云在清廉里與西峽江合流微風激之聲如溪瀨故名閩書云瀨江亦呼淘江福州府志云自淘江至大義渡總名瀨江中有三十六灣

西峽江 八閩志云在永福里受永福印溪之水流十四里與東峽江

福建河渠書 閩縣

四

福建通志 卷六

合

金鎖江 寰宇記云在州西二十里閩中記云昔有漁父垂釣得金鎖引鎖盡見金牛奔湧漁者急挽至岸牛斷猶得鎖長二尺晉康帝詔於此立廟三山志作金崎江云閩縣西南七十里昔漁者云云因名又云金崎江螺洲合大義江瀨江出西峽門

案寰宇記此江屬閩縣三山志八閩志均同一敘在永福江之下螺洲之上敘在瀨江之上自閩書以屬侯官然不載其何鄉何都非以其地界在侯官閩縣間而不能確指福州府志道光志等因之然閩書以爲在城南七里道光志以爲

在洪山江之上則決非耳今從其朔列閩縣

榕溪 八閩志云在青布一作鋪閩書云一名麻溪達于西峽在青布嶺

舊記白鹿山入十五里號榕溪橋跨其上曰綠榕橋達義溪大田驛在

焉道光志云源出福清縣界

義溪 八閩志云在西集里又名麻溪福州府志云俗呼大義坊口源

出白鹿山白鹿溪源達於西峽江案義溪爲榕溪下流溪之隨地異名也

苦竹溪 八閩志云在金鰲峰之下橫溪有橋在積善里閩書云金鰲峰左有龍湫潭激水湍急下通此溪

又東爲烏龍江東北與北派之東峽江會自是東流而東南過羅星塔而東北至閩安南曰急水門是爲閩港內口又東北而南岸北岸而亭頭長柄而長門金牌外卽大洋東北出雙龜門外繞登江五虎以至芭蕉尾此一口也自急水門而東北有琅琦山南有小蘆巴豆大蘆三嶼中曰福斗山又東曰黃浦東岐白猴嶼爲大海門又東爲白犬洋此又一口也其潮汝分兩港三山志云潮由西峽上者先至洪塘由南臺上者差遲南台江中有洲數里潮至鼓山分爲二南廣而北狹由北上者入直瀆浦由南上者涉洲尾反東流而與之遇

案明董應舉崇相集云省城門戶以閩安鎮南出之琅琦門東出之五

福建河渠書 閩縣

五

福建通志 總卷六

虎雙龜門爲兩喙以梅花定海爲兩臂以松下之東西洛礪山之西洋爲兩關以海壇臺山爲兩游近之東沙竿塘遠之東甲東湧皆我泚地此其大勢也又云省城水自上府而下分爲南北二港匯而東於閩安鎮閩安鎮東出爲五虎門有堡舊設巡司北爲荻門南爲壺門鼓尾並出大海其上爲急水門南有嘉登之鳳嶺山北有新安桃源山夾立不及三百丈雙龜鬣斗縮之此鎮門東喙第一要地也閩安鎮南出爲琅琦門其取險者爲長樂广石灣六山倚聚居民二三千家與嘉登里之海嶼相對江面雖闊中有積沙大船難汝行邊灣乃有港此鎮門南喙第一要地也

焦溪 八閩志云在欽仁里

子房溪 鼓山志云在鼓山里牛眠崗前

羅溪在至德里 福州府志云有懸巖瀑布

寬溪 名勝志云在台北里貫象山中

大坑溪在台北里 八閩志云源出青陽

東崎岳溪浩溪孟溪 八閩志云俱在台北里閩書云孟溪溪難方舟第資灌溉北有香燭峯

荷溪在嘉登里 八閩志云地名龍井中有躍龍津石刻三字尙存閩都記云近溪有元中訓計議鄭愷所居

投桃溪在江右里 閩都記云在馬頭江中形勢如桃故名洲有田數百頃

蘆洲在仁惠里黃山之南 閩都記云又名蘆下宋時陳氏居之卽唐仁濟侯礪之後

螺洲在仁惠里 三山志云洲以形名在大義西北納龍泉坑溪閩都記云在方山北週迴一江環洲以居者數千家司空吳復其著也

福州 閩都記云在義興東

侯官縣

福建河渠書 閩縣 侯官

六

福建通志 總卷六

閩江閩縣首邑江亦以閩稱然江流先經侯官界後經閩縣界且經侯官界者長經閩縣界者短故列侯官縣下 爲省會經流

自延平府治合上游東溪建寧府西溪延平府各縣川府並尤溪東南流經

古田縣水口驛北受古田諸水始出險就平又東五十里經閩清縣境納

閩清諸水又東入侯官本境經大箬溪小箬溪閩江之東南行首納壩

溪

龍溪 三山志云唐大曆中有女子浣紗溪次爲龍所食其父哭之哀

既而得龍乃烹以釋憤名士多爲記述其山源深險多不逞民盜販茗

鹵官莫誰何俗號七村龍裏閩書云溪旁有金沙古山園福州府志

在十七都俗呼源口

次左納大目溪右納小目溪

大目溪 閩都記云在三十一二都沿溪以裏數十里有路達於雪峰

閩書云源口出古田福州府志云在城西北五十里名大穆案大目在

十里去城不止十里也

小目溪 三山志云源出閩清界六七十里入江閩都記云在十六都源出永福溪裏鴻山最大山下村落成聚雞犬相聞達於閩清永福二縣界福州府志云在大目溪南

又東至白沙驛納黃石溪即白沙港

黃石溪 八閩志云舊出江疑即石岳江之上流發源白沙分開至白沙合流七十里入西峽江福建全省輿圖說云源自縣西北西山之東麓南流十五里經昭山東納昭溪又南十里有青坑水注之折東南十餘里西納一無名小水又東南二十五里有東蒙溪自東來注又南曲流二十餘里抵傅老峰西分流爲二一從西南流至下垵北納大湖山水爲黃石溪經白沙驛西注閩江

案大小目二溪皆在竹岐上數十里黃石溪由白沙入江去竹岐不過數里道光志叙黃石於大小目之上誤

又東流過竹岐關至甘蔗塘爲螺女江蒙溪入焉

福建河渠書 侯官

七

福建通志 卷六

螺女江 此亦閩江之隨地異名者搜神記云閩人謝端江濱得一大螺如斗畜之家每出歸盤飧必具乃密伺見一姝麗甚詰之曰我天漢中白水素女天帝哀卿少孤遣妾具君膳今當去矣留殼與君端用以貯米常滿資給數代故江以螺女名

案三山志次在大小目溪之下甘蔗之上云侯官縣西北三十里或曰江形如螺又云至甘蔗北分數里復合至石門南分方輿勝覽只稱螺江閩都記云在十三都與馬瀆江相接方輿紀要以爲在白沙驛道光志以爲即石岳江在侯官市之下蓋一江之隨地異名里數本無定限甘蔗洲 八閩志云居民以種蔗爲業

蒙溪 閩都記云在三十四都源出連江界溪口有橋去白沙驛五里許沁泉山館集云螺女江至甘蔗洲北分爲白龍洲而復合又納白沙驛蒙溪水至石門

又東南過石門峽爲馬瀆江陳塘溪仁溪注之

馬瀆江 三山志云赤岸山尾與瀉山尾相迎如門水中有石闕過石門爲馬瀆江閩都記云石門峽在十二都馬瀆江在十三都上接螺女江道光志云在侯邑西北二十五里納雪峯以東諸水沁泉山館集云離郡城二十餘里爲馬瀆江中流俗呼懷安角案此亦閩江之隨地異名

陳塘溪 八閩志云源出十四都紫紆至此入江歲旱則堰水爲埧以溉民田幾三十餘頃舊有橋梁橫其上閩都記云白石灘在陳塘溪西巨石竄岑江流迅急全省輿圖說作成唐溪云源自縣西北西山南流抵傅老峰西分爲二一從南流曲行三十餘里爲溪頭港抵懷安洲注閩江沁泉山館集云江過石門納懷安舊縣陳塘溪水案與黃石溪同源

仁溪 閩都記云在二十五都源出連江福州府志云在二十六都注於馬瀆江

福建河渠書 侯官

八

福建通志 卷六

又東南流經侯官市至芋原驛沙溪匯焉

沙溪 八閩志云源出分水關經建劍而來下至芋原與大江合中有沙壅成洲故名閩都記云自水口至芋原總名案據此亦閩江之隨地異名

濱江有石厓山江行至此爲石厓江八閩志云在府城西北十三都上接水口江下接洪塘江即今芋原驛前大江也閩書云唐書侯官西南七里有洪塘浦白石厓江而東經覽濱至柳橋以通舟楫貞元十一年觀察使王雄所開也 桐溪來注桐溪 八閩志云在十三都流三十里至萬安橋通大江福州府志云在城西北三十里俗謂之桐口注於石厓

中流至洪塘歧而爲二北派爲洪山江閩都記云洪山橋距城西南六七里萬安江口東南流至上渡入閩縣界赤橋塘之水由西河注之西安塘之水至上渡注之

南派卽洪塘江閩書云上自西而南有一水自永福縣入境東北行來注又南三叉港出旗山錦溪注之

錦溪 閩都記云在南嶼旗山之別渚也峴山在旗山之南一名水

雍正通志云出旗山其地出蜺案亦名蜺江下游卽蜺石水俗稱寮沙蜺蜺字形近蜺寮土音同也

又東南循方山西麓至陰崎山曰陰崎江隔江曰陽崎山陽崎江注之

陰崎江 八閩志作新崎云一名仙崎源出永福之印溪東流三十里接西峽江閩都記云在十一都源出永福明溪江有峽江寺福州府志云臨江許西岸爲芹洲永福溪流迅急久壅成洲周廻二十里隱然閩閩洲多產芹又以四面皆水號瓠洲

陽崎江 八閩志作楊崎云在九都十都上接洪塘江歷鳳岡至楊崎納永福溪及浯溪之水以達西峽江閩都記云有山臨江許宋釋褐狀元林垵居之閩書云萬曆四十年巡按陸夢祖改官道出此江之上葉向高記其水自上流四郡千餘里皆匯于此有山東之故名峽江怒濤激浪急溜漩渦險若瞿塘自峽以上可二十里而陽崎江水勢紆緩一葦可杭勝國以前行者皆由此渡其後以兵亂榛蕪間逢虎暴迺徙而

福建河渠書 侯官

九

福建通志 總卷六

由峽路雖稍夷每值風波輒葬魚腹行旅病之欲復仍舊路直指陸公下郡亟圖遂移渡于陽崎江

其西曰澤苗江合浯溪

亦名黃岸江

潢溪浩一作溪及印溪諸水注焉

澤苗江 八閩志云發源自永福溪北流歷侯官古靈而下是爲澤苗江江之東岸則灰山黃巖大鵬衆山之水所出合流至仙崎乃與陽崎江合閩都記云在十二都道光志云卽大樟溪北流至陽崎江案陰崎卽澤苗下流澤苗其總名也

浯溪 八閩志云源出灰山之陽歷平坡之北由仙坂今呼蘇坂而注於澤

苗江俗呼白苗溉田十五頃閩書云黃岸江又名浯江江濱有巨石橫浸亦

名蘇崎有渡濟涉大江之支也

潢閩都記作黃溪

八閩志云源出黃巖峯左注延澤浦溉田一十餘頃

浯溪 八閩志云源出大鵬黃巖兩山中與澤苗江合溉田一十餘頃

印溪 道光志云源出永福注陽崎

又東爲吳山溪

吳亦作涪山溪 八閩志云在府城西南源出永福之印溪流三十里

入西峽江閩都記云吳山在十都相傳吳翁隱此故名山之陽有蟠與案八閩志閩書皆分涪溪吳山溪爲二然一涉永福灰山一涉永福印溪又稱涪江亦稱黃岸江實一水也蓋上流出永福下游經吳山爲大江亦隨地異名者

折而東流入閩縣界曰淘江瀨江西峽江在永里又東至閩縣東南五十里與北派會二派之會北曰東峽江南曰西峽江一統志云東峽卽馬頭江西峽卽烏龍江案東西峽間皆稱烏龍江

黃江 八閩志云在七八都大江之支流也

宜溪 閩都記云在北嶺下抵任溪八里而近任溪舖在五都降虎嶺與雪溪密溪俱入連江羅源間

芹洲 八閩志在澤苗江西洲多產芹又名瀛洲都記云在十二都當永福建河渠書 侯官 長樂

福溪流迅急歲久壅成洲周廻二十里

長樂縣

太平港 八閩志云在縣西隅吳王夫差嘗於此造戰艦卽古吳航頭也永樂十一年太監鄭和通西洋泊舟於此奏改今名全省輿圖云源自七巖山西麓循界境北流十里至東渡又曲曲北流二十餘里東納一小水歧分爲二一西北流二十里經閩縣東境營前注於馬頭江

馬頭江 閩書云吳王造戰艦處也名吳艦頭因名縣吳航漢吳王濞反獨東甌王搖從之故濞於此造艦方輿紀要云自閩縣流入境江面益濶志云由縣城西北入馬江曰太平港相傳吳王濞造船處似悞蓋吳越遣兵入閩嘗泊舟於此也

案諸志多合馬頭江太平港爲一以明太監鄭和下西洋始奏改港名爲太平也然江由閩縣入長樂實分二流皆自西而東故西頭近羅星塔者稱馬尾東頭皆稱馬頭此其鐵證也太平港則自東渡至考溪皆

南北流未改名以前統稱馬頭江既改港名則直者太平港爲閩長兩縣分界橫者二流爲馬頭江全屬閩縣境與長邑無與其太平港之自七山巖流至東渡者實始終與馬頭江無與也

一從東北流七里抵縣城西有資聖溪會文洽浦自東水關西流入城繞出南水關來注

資聖溪 道光志云在縣北上接白頂山諸溪水下通下槽橋注文洽浦

文洽浦 道光志云在縣治東上接資聖溪右合十洋溪諸水來會又觀音溪從南門外折而東會鐵爐溪九溪於文洽浦注之

觀音溪 福州府志云在縣治東隅通太平永寧二橋入於江道光志云源出泉坑

鐵爐溪 道光志云在東隅上通龍津溪下由新橋厝普照橋來會九溪 道光志云在東門外嶺口洋

福建河渠書 長樂

土

福建通志 總卷六

又曲從北流十餘里有考溪自東注之又折東北流出境經閩縣洋與西達於馬頭江

中溪 雍正舊志云在縣南道光志云源自雪居山縈迴三四里西通閩江白馬渡入馬頭江

星溪 閩書云卽獵溪道光志云源自七星巖縈迴而出爲獵溪溉田千餘頃其委亦入馬頭江

籌港在縣東北三十里福建全省輿圖云源自籌巖山北流十餘里注於广石江

广石江 八閩志云在二十一都江之上居民繁夥多以漁爲業閩書云宋陸秀夫張世傑奉二王從此入閩安鎮

大溪 八閩通志云在八都源出福清縣境分流至此縈紆數里溉田數百畝至十九都達於海福州府志云在縣東南三十里道光志云由八都石門會漣溪入於海

連溪 在八都道光舊志云上接坵溪

三溪 雍正舊志云在縣南入於江距城三十五里福州府志云在屏山下源出福清縣東一名鼎溪道光志云在縣東南八都一源自福清界諸溪水所會為南派一發源羅山室寶塔合流為西派一自七星巖石竇中瀉於兩岸間經十餘里成溪有石壁橫障其下曰瀨溪三溪並注於江同治縣志云分流三如鼎足故名鼎溪全省輿圖云源自福清拱辰山東北流二十里注於巴頭港又東北十里折東南流十里又折東北入於海陳塘港 道光志云宋末陳文龍築田砌塘因名源出梅花山下會延祥湖嶺柄港桃枝湖嚴湖福湖林婆湖寶間湖入於海全省輿地圖作梅花港云在縣東二十五里源自金峯山東合諸山水瀦為湖東北流二十里注於梅花江

延祥湖 道光志云崇聖里

嶺柄港 道光志云在石邑嶺南通延祥湖

福建河渠書 長樂

士

福建通志
總卷六

桃枝湖 道光志云在進賢里受沙坂後祥溪諸水

嚴湖 閩書云明正統十年縣民劉彥梁言本縣嚴湖周圍餘二十里南接稠庵溪西通倒流溪旱則引稠庵溪入湖溉田雨則疏倒流溪以防其漲近者湖岸坍塌決溪流湮塞不能積水防旱雨至田或湮沒乞勅有司修築疏濬從之道光志云在大宏里受大畚溪之水

梅花江 八閩志作梅江云在二十四都古云梅江水直千金卽此道光志云中有梅花澳南歷十一澳為松下江

松下江 福州府志云在縣南三十里東通大海西界福清亦曰松下澳相近者曰大社小社壠下等澳

社溪 八閩通志云在縣南二十都海濱源出福清之鏡嶺流至小社入於海福州府志云距縣四十里

龍下溪 道光志云源出龍下山入於海

井江 閩書云江有王母礁宋末楊妃負二王航海經此福州府志云

在縣東南十八都壺井山下道光志云爲閩江入海處亦曰壺井澳上流爲漳港江上接仙岐江二江與壺井隨地異名溜口以東屬壺井西屬漳港同治縣志云江外狹內廣若壺然

漳港江 道光志云在縣東十五都同治縣志云亦曰漳港澳

仙岐江 同治縣志云在縣東十五都起十七都鵬程止漳港牛路案上二江與壺井江隨地異名

磁澳江 道光縣志云自閩縣流入境內有孤山峙海中分東西南北四澳以停舟爲其東有門口黃岐漳坂等澳皆海潮洄洑處同治縣志云在縣東十五都石梁焦山東

黃弄溪 同治縣志云一名玉溪其源出自翠微峰南通於普通洋港

竹林溪 福州府志云在縣東入於江

江 江 禪林溪 道光志云在縣東十三都源白石人峯下魯堰爲紫綾溪入於江

福建河渠書 長樂 福清

三

福建通志 總卷六

稷溪 入閩通志云在十三都源出大石由龍潭經濱江東流入海

大畚溪 福州府志云在縣東入於海

宏源溪 道光志云在二十一都源自太常諸峯縈紆而下入於海

福清縣

逕江 三山志云源出興化縣界金支大澤至裏洋合黃蘗山南水十里名漁溪過應天院一源出黃蘗山北過鐵場邊北流東折蘇溪來會並漁溪入逕港南至綿亭東出烏輿門又南至雙輿頭歧爲二東出白輿西出後與合於昭應廟前迎仙港入海潮至應天院前八閩志云在縣西南靈德里雍正舊志云在金鷺山下

漁溪 八閩志云在縣西南清遠里源出黃蘗山裏洋與蘇溪合

蘇溪 八閩志云在縣西南安香里源出莆田縣界西通橫山潭入此溪

迎仙港 三山志云自興化三百里合桃源水爲大溪過迎仙市爲子

魚潭歷縣境黃茅墩合蒜溪東流過浮山三里合逕江入海潮至子魚潭

海口江 三山志云源出興化縣界流爲百丈溪二百餘里至假面爲橫路溪即無患溪東流二十里合石墜溪至水陸院合東溪經縣河頭豬爲琵琶洋十八里至海口入海潮至水陸院西道元志云在縣南十五里江有六源崔溪無患溪交溪澗溪關溪蘆溪六溪合於西溪達龍首河爲龍江豬爲琵琶洋南行爲海口江

崔溪 道光志云源出自百丈溪

無患溪 八閩志云即縣西宏路驛前大溪也源出石竹山入於交溪相傳林真人每以此水飲病者即愈故名道光志云其源出自歛石靈石與崔溪合

交溪 八閩志云在縣西善福里其源一自常思嶺而來一自清源里蓋窰而來二水交會於此故名雍正舊志云注於龍江道光志云自歛

福建河渠書

福清

古

福建通志
總卷六

石出石墜與無患溪合

澗溪 道光志云在縣西北隅接修仁里前亭溪注海口江其源自石尤嶺來歷作枋溪頭提刑橋澗下入龍首河

關溪 福州府志云縣西北隅有二源一自七仙巖一自青陽嶺至水陸橋下二溪相合如門之關與鹿角溪東溪皆爲龍首河之上源並注於龍江乾隆縣志云鹿角溪縣隴溪俱在修仁里

蘆溪 八閩志云在縣西北永福里源出臺嶺以其繞蘆山故名福州府志云合螺嶺雲洞漳林數處之水會於關溪注於龍江

西溪 八閩志云在縣治西門外其流入龍首河而達於海

東溪 雍正舊志云在縣東新安里去城十里注於龍江

龍江 八閩志云在縣東方民里廣五里深五丈餘舊名螺文江後改名上接龍首河下通東南渤解

松林江 八閩志云在縣東永賓里去海口鎮五里福州府志云東流入

海

南厝江 八閩志云在縣西南日里距縣隔九海凡二百九十里其源自莆田縣來東流入海福州府志云在海壇山下

海口寨江 卽海下里江也八閩志云在海壇下里距縣亦隔九海凡百餘里其源自長樂縣石尤嶺分水而下注於江以達於海道光舊志云一名海下里江

練門江 元和郡縣志云海口一鎮有練門江三山志云潮半退過石帆洋泊大小練二練門相去十里

連江縣

連江 元和志云江在縣南三百里里字當誤東流入海三山志云源出古田

茸洋界至七猴渡之北合小溪南流至潘渡橋一出羅源界號巖溪南至朱令橋合寶山院前丹陽溪西南流至興寧廟前與潘渡溪合西南流合參溪水至峽口鎮入海八閩通志作鰲江云在縣治南百步許百字上或脫三字

福建河渠書 福清 連江

五

福建通志 總卷六

橫互欽平上下二里卽連江也源出羅源王或黃土溪黃柏潭懷安縣密

溪桃洲三派合流至縣治前東西環袞如帶東流入海又名岱江閩書亦作鰲江云郡志以縣連江水爲名宋嘉定間知縣陶武有連川志十卷知是江名非連接于江水也道光通志云江在縣南門外合侯官古田閩清

羅源寧德五縣之水會于五縣砦口懷安巡檢司治後入侯官自古田者出牛頭嶺至

杉洋自閩清者出二十九都雪峰自侯官者出侯官裡源官至大延坪三

源並會雙石渡右迤寧德排樓溪羅源之羅溪入焉左迤侯邑西峯之水

入焉至羅溪口合諸小溪會于五縣寨口入縣境東南行有高岳東岸龍

潭三溪在縣芙蓉貴湖二溪在西五溪水來注又東南至陳溪而會流焉

至潘渡與寶溪合

陳溪 道光志云在縣西七十里

潘渡 閩都記云潘渡安利橋垵邑人潘枋以舟濟渡故名又有陳溪

橋並光臨里

寶溪 道光志云在縣西光臨里源出雪峰山經凌嶺而下會蘆溪來注

又東至羅崙渡牛溪合周溪注之又東爲鼇江即連江異名又東至岱雲塘財溪注之

羅崙渡 閩都記云在縣西光臨里有舖下達潘渡

牛溪 道光志云在清河里會黃灣溪莆邊溪至羅崙合周溪

周溪 八閩志云在縣西清河里源出安定里凍地山其水自朱公橋

至羅崙渡入江閩都記云朱公橋在縣西歸仁里

財溪亦作才溪 八閩志云在縣東嘉賢下里發源于隴山際流入支塘灌

溉田疇閩書云上流有潭名財溪潭道光志云源出烏巖

又南有嚮鼎浦在江南合利安溪雪溪水注之又秋江浦自金鐘口入焉

秋江浦在新安里 又東爲岱江亦連江異名在東岱山下距城三十里受蟾步江浦口之水爲海口

要港浦口在三十里都本名珠浦又名東浦

福建河渠書連江

六

福建通志總卷六

利坑一作溪 八閩志云源出文筆山逶迤而下流入鼇江民田資其

灌溉閩書云在新安里第二圖

雪溪 道光志云在縣南源出覆釜山

蟾步江 閩書云在南永福鄉永貴里三圖江濱有石馬石屹立如馬

鯉溪 道光志云在縣東北源出爐峯之北經拱頭港入海光緒圖說云

東流十餘里循燕窩巖入大洋

竹溪 八閩志云在赤沙館之東源出王埭即黃岐山其流澄澈經龍塘入

于海道光志云在縣南距城四里

筴溪在西北清河里湖山山近東湖麓閩都記云宋李彌遜築釣臺漁釣爲樂

刻石紀勝自號筴溪釣叟

蔗溪或作柘溪在東北七計二十八都道光志云源出鹿池山經益砌浦名

入海

羅源縣

羅川古曰羅江爲邑經流三山志云溪名亦姓也源自蔣山溪經白塔院至四明橋合龍潭溪過務前合古弄溪至欄頭鋪入江又下倪南北溪經觀前橋至欄頭鋪前與蔣山溪合入松崎江入海潮過四明觀入閩志云在縣治西百五十步源出蔣山接金鐘潭水流入四明溪分三派曰中溪堪輿家謂中溪之水可制四明毒火山宣德間湮塞邑屢有火災成化十二年知縣施弘重浚之曰南溪曰後張溪三溪交流入松崎港以達于海道光志云出蔣山至王才橋九溪注之經白塔院接金鐘潭水納四明溪分二支由西郊外南莊環城迤東者爲南溪由可溪過資壽阪匯小西門外者爲北溪南溪自南莊又分一支入城出南水關與南溪會爲中溪治南又有環溪聚衆山之水入水關過雙石橋會北溪出水南門外會南溪中溪合名羅川過沈尉橋旋轉九曲達禹步跡有九龍溪合起步溪黃沙溪來會至五里渡由松崎方輿紀要云流經松崎山亦謂之松崎江入海

九溪 道光志云在梅溪里

福建河渠書 羅源

七

福建通志
總卷六

金鐘潭 八閩志云在縣西南金鐘山有龍潭

四明溪 道光志云源出縣西四明山

南溪 道光志云南溪初入城自乾隆庚戌於可溪登石障流南溪遂不入城

環溪 八閩志云在縣治南雙石橋左與南北二溪合流環繞故名

起步溪 八閩志云源出天堂山流接黨洋溪岡灣溪章溪皇認溪車

溪朝格溪道光志尚有洞溪至禹步跡會羅川在臨濟里光緒圖說云源自展

旗山東南南流二十里名曰洪溪改而南流五里更東十五里經起步橋

橋在邑東北
唐天慶觀前乃更名起步溪

九龍溪 八閩志云其水自揆村直抵松崎江閩都記云在臨濟里道

光志云其上爲藍田溪又上爲護國溪又上爲黃沙溪

黃沙溪 八閩志云在新豐下里源出寶勝山流入松崎港

白水溪在縣東三十里石門里石穴里間光緒圖說云源自施家坪東